

棕

亭

詩

鈔

棕亭詩鈔卷之一

全椒 金兆燕 鍾越

過戚南山先生書院故址

暮春風日暄踏青到南阜荒城何曩曩顧之凄然久斷
橋流水咽高壘松風吼碑殘不可識剝蝕莓苔厚野豎
牧其前老農耕其後路人謂余曰此地君知否是爲戚
氏園當日常載酒講學集羣英蠟屐邀良友倏忽百年
餘華堂沒荒藪宅廢園亦空常任狐狸走余本幽憂人
聽此中心恟貴賤皆子虛貧富俱烏有昔日庭前槐今
日墓門柳天上浮雲多白衣復蒼狗

長歌答李息翁先生兼呈從叔軒來寄吳子荀叔
新安江冷清波駛霜華柿葉寒山紫蕭颯秋風吹客衣
白雲回首家千里千里家山旅思牽幾行新雁飛長天
修途傳盪札麗句托瑤箋瑤箋乍啟心如醉滿幅相思
凝老淚短砌蛩吟夜夜愁空山猿叫聲聲碎憶昔偕遊
金谷中大開帷幕召羣雄連襪羊求苔徑雨倚裳咸籍
竹林風丁簾朝旭上未右霽烟重酒傾三雅碧花放一
庭紅談經師伏勝忘年得孔融門外渴攢何足數曠睽
白眼睨遙空儵忽流光掣礮礮吳郎返權金陵縣六朝
烟雨隔江昏三春雲樹愁中見去年我亦辭鄉國羶裘

茸帽霜風冽鞅掌從親作宦遊脂車待發與翁別黯水
黃山勝境多相期共探神仙宅吾家大阮饒奇興幾載
爲文成解擯一鞭相伴走天涯吾儕豈合長蓬徑今年
擬上天都峯置身萬仞凌清風雲巖矯首當窗見足所
未到神潛通奈何翁竟負前約山眼青青盼寥廓陳榻
日常懸李舟何處泊吟魂荒忽對芝顏一條斜月空梁
落君不見君家昔日酒中仙尋真遍歷萬山顛花瓢竹
杖人難遇烟嶺雲林路自偏千載宣平遺蹟在待翁更
爲訪林泉

蕉露聯句應軒來從叔命

十笏蕭寺旁
百弓荒祠拓
啟南倦旅獲
卽次繞牆足
花藥兆燕攤
書擁萬卷清
風入帷幕
啟南窗外成
綠天攢株
相捎掠兆燕
垂蔭煩暑消
布根芋魁錯
啟南靈液吸
幽泉精氣奪
土魄兆燕釘
之水出谷剝
之絲纏雙啟
南學書代蜀
牋製衣當越
葛兆燕竹彈
文未成鹿覆
夢初覺啟南
翠葉千箇舒
碧苞一拳擢
兆燕輪囷挺
終葵戶礪張
鑿落啟南如
蓮壁菡萏如
桐拆囊鄂兆
燕密如蜂房
連撐如鬣帆
豁啟南蘭英
喜初吐松鱗
未全散兆燕
乍剖只枵腹
細拭無餘膜
啟南中有濃
露含甘勝醍
醐酌兆燕荷
珠跳輕圓蔗
漿凝洛澤啟
南石髓屑神
尊鍾

子藏祕壑兆燕萃驂刺青血穹帳醞白酪啟南液承仙
掌盤飴齧妃脣齟兆燕一一品相較紛紛味俱索啟南
惜哉清虛質竟同蒲柳弱兆燕輕霜飛庭除憔悴委敗
蘄啟南文布與武沉餘潤盡枯涸兆燕離襪鍛鳳尾連
蜷蛻羊角啟南畫意賸王維吟情倦沈約兆燕空有賦
凌雲誰解相如渴啟南

寄曹震亭五首

江左文章伯雄名海宇騰縱橫才八斗談笑酒三升芝
草春雲謁蘭襟秋水澄忘年敢相擬聊復冀從繩

彩筆珊瑚架瑤篇儷體精丹山晴翫鳳碧海曉呿鯨清

露侵虛幌寒燈對短檠樊南編甲乙重見玉溪生

亭臯攜手處斜日已三商落葉空林亂幽花野徑香關

河悲庾信身世老馮唐偶語寒烟裡西風萬壑蒼

新雁一繩直霜天九月初旅亭方倒屣客路又旋車蘭

菊君章宅蓬蒿仲蔚居論心何日共香雪小窗虛

新安江上客歲晏感離羣貧賤無知己風塵只憶君三

秋涼月夢百里暮山雲悵望愁何極相思入夜分

秋望

萬壑響蕭騷長天氣沈寥霜林團圞古寺秋水失平橋山

斷遙峯出雲歸積靄消故鄉千里外回首旅魂銷

病足東軒來叔

三庚苦灰炔偃蹇栖頽暑局室不容膝歎暑氣密布有
若蒸饊中加以熱湯注鬱攸填胸臆滲黷汨肺附息踵
幸小適濯足忽大怖微蘊何瘡脰喉噤自顧立如欹
器傾行若折鎗仆蹉踣似蹙夔攣縮同拳鷲攸旌郤子
登次且壽陵步蠻韡愁雍深越屐畏卯露吮咋巨重集
蚤螫毛蜎赴鐵石頻箴砭刀圭屢劑祝輦齟夜及晨唸
叩朝復暮杖叩畏禮苛壁挂避塵汚鑿齒書未成照隣
藥誰助白嶽祇一舍乃慳濟勝具張兩思欲奮掘再旋
復住赤驥繫金柅青鸞囚竹筴追風凌霄姿奈何困泥

塢思君不可見告哀托豪素吟魂不厭疲且踏夢中路

初秋寄汪畊雲

臥病秋園旅思孤魚雲如屋碧天虛山中舊市堪沽酒
客裡新交許借書石甃泉枯苔徑澀銀塘風細藕花疎
相思只有空梁月夜夜清輝伴索居

寄懷吳岑華先生六首

漸江皎如鏡白石何齒齒秋氣忽已厲商飈起千里遊
子懷故交攬衣登魁壘佳人渺天末盱衡獨徙倚落日
滿空山浮雲疾如駛四顧增感嘆淚下不可止
都門盛冠蓋車騎填九陌

清時資黼黻致身各有策君子富經術刑名本道德秋
官重平反所急非刺賊不見古庭堅差肩稷與契

寒燈挂虛牖短穗光熒熒讀君所著書名理紹六經斯
道久蒙翳誰與辨渭涇我欲持是編一一啟愚冥殊勝
望碧漢稽首珥朗星

中宵不能寐幽輝照我牀輾轉懷舊歡冰炭摧中腸高
樓臨大道里閤遙相望晨夕屢經過中厨具盤觴雄辨
搜墳籍高懷抗義臯醉歌理絲竹歡樂殊未央如何形
與影倏爲參與商

吳絲全幅用百卉呈芬芳裁屢爲諸干當風自飄揚長

短稱君身粉袂步中堂顧我曳須捷解衣親持將不厭
土木姿被以龍鳳章服之踰三載領緣有餘香一衣不
足愛所重君子光開篋感中懷提衿泪浪浪

旅館依空山落葉紛策策寒月照古廊陰蟲響頽壁遊
子感秋氣中夜自嘆息蛩蛩飢誰念肫肫憂未釋修途
渺雲山相思竟何益所期在千載努力崇明德

題方隱君畫松

何人潑墨寫幽勝滿幅蒼寒相掩映名士由來愛小園
獨聽飛濤深院靜虬枝盤曲勢交加翠影娉婷色端正
矮屋荆扉晚不關何人載酒乘清興天際夕陽澹未收

疎星已見招搖柄開簾不辭深夜坐好客斯人有真性
揚州秋月二分明相逢班草交初定深巷秋陰白晝閒
小庭禪榻疎花淨一卷新詩驚駭顙干言強韻壓病競
興酣潑墨作梅花女字橫枝折瘦硬燈下草書妙入神
人詫老顙與大令江左文人吾遍識浩氣無如君最盛
何時乘我薄笨車訪君仲蔚蓬蒿徑十日盤桓老樹邊
與君撫榦同高詠只愛蒼髯諡冷官莫詫秦封屬大姓
碎粒殘粉盡收拾肯使老枝有餘剩松兮松兮保歲寒
方君託子以爲命勿使敬容殘客來樹間不足容車乘

塞上曲

匹馬寶刀橫
征人拂曉行
星輝依遠塞
霜氣壓孤城
發
响五通鼓
防秋千帳兵
玉門關外月
偏照漢家營

過潛虬山遇雨欲暗薇省不果賦此却寄兼示畊

雲

潛虬之山勢奇峭嵯峨百丈聳丹嶠
古松躑踞疑龍騰怪石猙獰若鬼趨
我友汪子向我言此中才子有鮑照
作賦乙乙穿溟滓說經鏗鏘窮幼眇
書法二王慚筆力詩篇七子遜格調
鼎中禁綺五侯鯖那數蟹胥與鴨蒯
奇才人世難爲識空山匿影老蓬蒿
美金自當娛浪跡潛瑤應不久泥淖
我聞此語神爲驚便欲訪戴命短棹

甘草葦葦距虛負奇響鏘鎗蕤賓跳郡城旅館一相遇
秋風客子豁懷抱千峯明霞侵衣裾一徑濕雲擁鞢勒
闔門初下短簷車烹泉且試長柄鉶階前濯濯牽牛花
幽色媚人枝相拗軸簾遙見鳥聊山霜華埤塹生皴皴
匆匆握手未數言如諷幽經讀真誥日窟已曠裴君目
蘇門未聆孫登嘯旋驅蹇衛入翠微欲向枕中窺祕奧
焦明六翮豈易附吉光片羽或借耀是時已過登高節
短髮鬢鬢孟嘉帽千里陰霾生高旻秋霖淅淅風稍稍
空林慘淡鳥晝啼大壑沆寥猿暮叫百弓池館封寒雲
蓬壺咫尺不可到此時潛虬隱深霧甘寢似避豫且釣

我本風塵骯髒人，愁潭老蛟結盟好。太息此虬豈終潛，一覲尺木看飛翽。歸持此意語汪子，細雨燈前同一笑。桃源有路應可尋，更擬入山偕阮肇。

雨中過長林橋畱飲鄭松蓮甥蝶秋齋四首

瘦馬登登過古原，荒橋傾亞傍雲根。山分薄靄青沾袂，雨送微嵐碧到門。睡鴨寒塘新漲滿，歸鷗小墅晚林昏。子真廬舍秋風裡，黃葉翻飛谷口村。

揖客苔階屐齒齊，沿籬書帶草萋萋。綠沉筠管幽人筆，

白墀蒿牆隱士泥。

松蓮善書滿壁盡挂大筆

麗句初成詩詠鷗，古歡

閒對帖尋驚。軸簾虛室遙生白，檻外寒雲入望迷。

短簷疎雨自濛濛
促膝飛觴興未窮
瓊粒禾堂春白粲
玉芽蘭砌立黃童
雄圖滿腹經營細
小影傳神渲染工
鶴箭不歸空嶺暮
無邊蕭瑟鄭公風

開軒晚霽一峯青
擱眼塵寰傲獨醒
北海孔融仍縱誕
東山阮裕久沉冥
黃雲深鎖神仙窟
碧落高懸處士星
從此吟魂應識路
月明秋夢擬重經

自新安買舟送晉氏妹歸里三首

冷署辭親闈
逝將歸故鄉
聚首此須臾
與相對各徬徨
酸風來庭除
清晨理征裘
春寒苦晝陰
隄梅鬱幽香
溪流初解凍
舟子艤輕航
大婦偕小姑
差肩拜高堂
執手難

爲別涕泗紛沾裳

沾裳行遲遲相送河之湄
衰親顧稚齒哽咽前致辭
長途依兄嫂眠食慎所宜
貧儉乏資從歸裝輕可攜
所貴嫺內訓安問釵與笄
積齡厭薄宦會面應有期
努力事姑嫜勿復多傷悲

傷悲未能已輕橈欵言邁
岸曲舟屢轉沙洲亦云厠
城郭漸已遠遙嶺出烟界
歸禽爭寒枝駭獸趨空柴
孤篷聽暮雨共作團圞話
耿念鯉庭孤短壁寒燈挂

屯溪晚泊

繫纜長橋畔開舠縱遠觀
填烟上高阜春水失前灘
不

耐初程雨已知行路難驚心昏定候回首思漫漫

過歙浦望郡城諸山懷汪稚川

山分衆流匯平川漸溟沔遙嶺樹若薺急水帆如箭
軒倚舵樓霽影紛欲眩高堞束山腰長橋劃水面石欄
緣坡徑雲薨蹲巖殿烏聊嵐色黦紫陽旭光綺來岸疾
相迎去峯奇可戀緬懷素心人幽居渺難眄

威平洞

韓世忠擒方臘處

危巖俯青溪片石勢欲落嵌竇藏古雲廡空解宿澤陰
風體禁瘁異境魂錯愕捫蘿試窺探欲進還復却傳聞
古驍將於此縱斬斫三窟兔莫逃一枝鳥難託殺氣凝

杳冥妖星隕格澤功踰燕然山名軼凌烟閣至今草木
狀猶作弓弦曠而我來登陟四顧屢驚變乃知弄毛錐
處世多落度逡巡覓歸路滑徑仗敗蹕回首最高峯嵐
光下紫薄

攜閨人登嚴陵釣臺

兀坐深艙中愁心困如束孱婦畏蕩搖嬌女怨跼促眠
食乖所暮炊汲飲童僕今晨啟篷牕喜見富春麓沓嶂
峙高臺倒影碧如浴纒舟傍巉崑登岸恣眺矚閨中聞
見隘覽勝但瞪目豐碑倚頽楹苔草紛簇簇披帷瞻遺
像斂衽拜虔肅問是何神塵案無香櫃石磴可小憩

顧繆爲汝告是本釣魚叟性不愛榮祿作書詆相癡舉
足加帝腹歸汝持一竿獨坐寒潭曲有妻厥姓梅偕隱
在空谷幼卽根仙胎長遂耦高躅但知觀魴鱖不識有
翟莠得此同心人共擁羊裘宿百年老滄江何必問朱
紱吾心已曠然汝意定何欲一笑歸烟舟七里春波綠

西臺

寂寂空山古木春毀垣枯甃冷江濱楚歌擊碎竹如意
不見當年汝社人

舟中元夕

風雨晚來急扁舟閉短櫺聞蛾喧野寺眠鷺冷孤汀夢

裡新安月依然到廣庭醒來愁不寐短焰一星星

錢塘江上聽潮歌

酒尊空燈花落孤眠百尺臨江閣薄醉寒衾夢不成驚
魂一夜翔寥廓初聽尚汨汨再聽更洶洶呼牟老特鳴
窖中無乃灌壇神女過馳列缺兮鞭豐隆抑或黃帝張
樂洞庭野守神塗卻轟鐘鏞又似天山胡馬夜鏖戰戈
鋌奮擊千羣鐵騎鳴寒風大聲兮硃礮小聲兮砰磕砢
傾崖礮大壑駭膽慄魄膽舌吐齟齬想天吳之騰擲兮共
倉光而跳躍翻鼉兮盪鯨崩壺兮倒瀛長鬚國裡凝笳
疊鼓醺女而館甥龍王宮中大會食饗蛟饒鼉磨牙吸

呶紛喧爭疑神瀝耳疑信總相半震天聒地從未聞此
聲伏枕一靜悟乃知前胥後種積恚鬱怒激盪而爲此
不平之長鳴洗苾蘿之零脂澡石室之餘穢愀寡婦兮
拊心惜壯士兮裂背響砢汭兮軻軋風呖嚶兮颺颺獨
披衣兮佗倏見殘月兮當樓憑欄悄立四顧而無語兮
頓使我填胸塞臆撐腸拄肚全湧夫千秋萬古之牢愁
北新關清惠祠謁先少參公遺像有序

明故朝議大夫湖南兵巡道布政使司參議推
陞南贛巡撫金公諱九陞字樊桐爲郎官時奉
命權杭州北新關稅值寇亂楚蜀逼梗國帑蕭

然公心憂之歲既冬寇氛稍息估
此乃來甫一
月而正供足公乃悉蠲後稅舟楫
雲集市無折
閱而民用以饒商與毗咸戴公德
此字范像春
秋禋祀于今百年乾隆己巳春五
世孫兆燕入
越得瞻禮焉敬賦五言四十韻追紀其事

祠堂臨水浹石城古苔封窓納海邊日門迎湖上峯檐
輝明晃朗鈴語響琤琮春社鳴晨鼓寒潮帶晚鐘香聞
隣寺茶影映曲廊松仰止容儀肅思成拜稽恭舊勲猶
赫赫往事忽憧憧繫昔方屯厄遐陬徧突衝踏榆紛聚
蟻負筍恣攢蜂赤縣將沈陸黃圖屢告凶邊儲虧廩庾

國計窘租庸釋褐初紆綬登城便舉烽

公宗正戊辰進士改會副授棗

陽縣琴堂書上考粉署佐司農

爲戶部郎中樞關稅

船舶通江海

關津算帳寶羽書何疊疊苻澤正洶洶杼柚嗟難繼蒲

羸歎靡供荒原愁越絕疲戍怨吳儂鷓鴣叫湘烟斷猿啼

蜀道壅旄頭看到偈金翅駭艤艫鹽鐵空持論舟車竟

絕蹤量沙三府匱仰屋百憂攻日促憐窮庶星迴值暮

冬寇氛稍蕩戢估舩競征徂橦布如山積朱提似水涿

安雖同燕燕飢且拯蛰蛰羣賈尤堪念頻年亦孔邛門

關蠲賦稅鼓枻快朝宗萬艦春波濤千曉影重不征

留古法深感遍愚悰構宇人輸絹鋪筵薦養神弦調

曲雅昔酒酌尊醲遺像欽如在前徽杳逢甘陵今共

奏元祐昔難容事詳東林列傳北闕塵迷鳳南月冷葦丹忱

貫江漢兩廣通志載公禦寇事甚悉白髮老戈戲憂顏猶悴公病居金

陵推陞南贛巡撫未赴任以憂卒齋心貌自顒緋袍遺制古烏几篆烟

濃屋角歌陽馬碑題齒琢龍迹難終祖德靈或佑衰宗
暝色冬青樹填愁尚滿胸

秀水舟中晚眺

碧影清波動綺寮晚粧樓上整雲翹斜陽一帶珠簾捲
西麗橋連北麗橋

懷鄭詩有序

兆燕髻時侍家大人客邗上吳門鄭紺珠先生
一見器之贈詩有驚才妙奪天葩艷麗句還同
老鳳清之句復聞紺珠友有歛處士鄭松蓮先
生者亦工詩及書法訪之已東裝去閱十餘年
隨大人宦新安數過松蓮室爲莫逆交今春自
新安歸里道經姑蘇將訪紺珠之廬而舟子以
風利不泊惘惘遂過得松蓮于意外失紺珠于
意中人生會合之緣冥冥中亦有主持之者耶
孤篷不寐挑燈點翰作懷鄭詩并寄二君非足
代瑤華之音聊以抒飢渴之念云爾

少年讀經註未熟先鄭後鄭紛眩目後來涉獵親風雅
唐人最愛嶠與谷不謂平生數知己亦惟二鄭最稱篤
十年前接紺珠膝珍珍短髮纔可束十年後把松蓮袂
風塵牢騷已滿腹空聞狼臚能齧金每怪鼠璞偏溷玉
而我屢爲國士知往往顧影輒自慙紺珠先生最愛才
酒酣說士甘於肉憶昔癡頑了角兒之無初識墮入塾
魏收弄戟不知書陶謙綴帛猶騎竹牛心啖我盤中炙
魏毫寫我裙上幅璫賤烏几偶竊窺始知鸞乃鳳之族
乘舟江上已解維欸扉旅亭空刻牘不意神交十餘載
一旦坐我花間屋每與松蓮數昔遊縈塵吹影杳難復

今年擬更訪紺珠話舊共翦西窗燭清輝咫尺不可見
門前春水空如縠何時得爲汗漫遊一樽共醉吳山麓
晴湖披霧看縹緲古牆別蘚和幽獨輕帆御風疾于箭
相思獨傍楓橋宿千里膠漆構良緣數武參辰隔芳躅
乃知離合信有數此中消息難預卜折麻分緘寄二君
兩家書帶應已綠

吳郊春望

遲日江村麗錦綉曲欄深巷草萋萋女兒愛挽夷光髻
稚子能馴李保雞泰伯祠前花覆屋春申浦上水平堤
鴛鴦家在愁烟畔欲問吳宮路已迷

京口阻風

小舟豈安居我行亦永久屈指數郵籤程站已十九私
計不半旬入室掃戶牖奈何隔衣帶便若絕飛走初泊
恐無隣落帆漸多耦斂櫂羣不前息榜更積後晚烟濃
如市高檣森若莠官舫自鳴金賈船亦擊斗波隙明桅
燈柁側礙岬柳景熱歡童稚聲喧愁病婦江朧舞怪風
枕上聞狂吼天明起盥櫛開篷一伸首側立但矐目還
坐仍束手浪山疊嶮嶮波岳傲培塿翫潮勢來砰磕
江聲走寒猿鳴噉啐乖龍態蚴蟉陰霾結慘淡晷刻錯
午西南徐城屹屹北府兵赴赴興亡千古恨一朝互纏

糾疑爲雲不開鬱作霧難剖肝衡但一
手我竟何有
洗碁餽殘魚拭案
翫早韭持杯對雙峰
一飲京口酒

渡江

中夜狂飈靜今朝好解維汀花醒宿雨岸柳媚新曦重
磯輕舟穩危檣急櫂疲烟籠揚子驛潮濺以狸祠海氣
蒸孤嶠江聲撼曲碕空青吳岫淡長碧楚天垂甌宰然
挂竈船娘拭盥匱臨風堪曉沐放溜且晨炊枯坐無人
問長謠有所思離雲舒望眼萬里曙光彌

真州江上六泊

空灘桮杌暮天濤何處南冷品未能方響亂敲青岸月

圓波深浸翠鐘燈
三更愁思江濤湧
萬里寒光夜氣騰
長笛一聲清露濕
舵樓高處冷于冰

入港二首

長空一片晚雲迷
撾鼓回颿入小溪
預喜家山春雨足
到江新漲已平堤

瓜步寒潮白浪堆
石帆遙挂大江隈
莫言東逝無情水
曾繞山居屋後來

抵家

舟中艣未停岸上
人已待繫纜垂楊
下喜見吾廬在荒
邨對夕照老屋當年
風入門視庭楹昨夜
猶夢中鄰里

見我來聚觀盈我門親戚喜我來挈榼更攜尊我心轉
多感惻愴安可言憶昔初出門庭柯不盈把今來攀舊
枝翠葢覆檐瓦南鄰叟已歿東家婦新寡人事歎滄桑
歲月驚奔馬重門扃鏽開苔草紛沒階空案見鼠跡破
甌堆塵埃明知不久駐且復葺其頽晴日小山叢冷月
漸江瀨昨夜夢在家今夜夢在外

飲吳岑華先生半園率賦奉呈六首

故里方停棹名園便款關喜看花援在驚見鬢毛斑
酒堪斟酌浮雲任往還小窗紅燭麗促膝且開顏

趙蔭知難住膺門此重過如公猶踳踳顧我合蹉跎花

壓無顏。恰塵封深。維韓去年今夜月。燕市共悲歌。
翟門題後。冷寂寂。真常局。啁哳鶯調舌。璩瓊鶴。曬翎空。
庭雙樹。碧虛牖。一峰青。白首休長嘆。寒芒炳列星。
宅對青山面。門臨淥水濱。高梧排幹直。乳燕定巢新。
爲雨知他日。栽花及此晨。傳家有舊譜。真避職勞人。
未必著書老。何妨棲地偏。白雲尋舊徑。烏几愛新編。
鄰笛高樓月。漁歌極浦烟。聲聲愁入夜。把酒各茫然。
幾載雲山外。依依夢寐親。何圖趨鄭驛。復得飲周醇。
問字奇須記。論文法重陳。莫嫌來往數。駐屐只彌旬。

題鮑薇省百首荔枝詩後四首

輕綃一抹裏幽香空飽荒陬阿囷腸不有詩人評泊好
海天千古怨茫茫

綠葉萋萋羨側生不辜閩嶠幾年行笑他癡絕江南客
祇向楊梅詫日精

滿林灼灼復離離一片朝霞萬顆垂可惜中原無此種
三分清氣付鶯梨

百篇吟就鬢霜侵幾載家園病不斟可是美人定憔悴
年年石貝蠹秋霖

吳猷芍書館喜晤鄭封山次日猷芍賦長篇封山
屬和余亦依韻成章奉酬二子兼寄金陵諸同

人

新安吳猷好讀書窮二酉文章薄霄漢意氣驚戶牖雲
烟紙飛騰蛟龍筆蟠糾幽經與怪牒奇麗靡不有抽簞
每壓人擘袪獨愛某新文必相示疑義屢與剖混珠目
慚魚續貂尾惡狗向若失細流學山忘小阜鄒嶺暑氣
銷漸江秋水瀏落葉感長年吟蟲促懶婦看山破愁城
披霧入文藪幽谷聽猿啼晴原駭鹿走獲身良其背乎
朋解而拇入塾我求蒙叩戶叩須友雅韻挹滿臼俗塵
撲盈斗散帙紛陸離相如與枚叟潛咀齋房芝滿酌衢
尊酒坐客更偉岸姓氏急細扣通名共一笑天斜態幼

膠豫章生叢薄莽葦溷薪樵騷駕短轅趑趄隨牝牡
每歎才難遇未免俗易狃而我所神交一日獲執手如
賈羸百倍似農穫千畝憶初識之無文河昧蚪蚪咫聞
貪涉獵千金珍敝帚時或緣拋墻往往獲報玖刻意絕
町畦極力脫窠臼側身入詞場俊儉亦已久未克聲爲
律徒益顏之厚誰爲聖去鼻競嫌柳生肘白紛苓開發
闢戶家仍部文壇幸多師試與數曹偶衆峯排岱華小
埕厠崕嶠或解精六書聲韻研子母或能通三易疇圖
辨先後或奇字滿腹或香詞溢口書或二王間算或五
曹右賞奇共細哦發難歛大吼前年客秦淮畫船明佼

憫羣賢正大集著述定可否飲噉縱十日初七至下九
共言鷓鴣句新交吾輩忸神物昂青霄那復數庸鯢唾
手青可拾息踵黑自守六籍長枕莊百家恣踐蹂余聞
大稱快有如飽刮瞍便欲訂霞交偏難擺塵杻識韓心
自切訪戴事多負鳥飛枉張羅魚逝空設笱懷人每觸
梗讀賦敢覆瓿今夕是何夕偶被涼蟾趣本尋秋岸花
忽見春月柳兩美耀我前愈增此佳醜平生歎贅學逐
聲叶竽缶豈知豪傑士獨立豎身首刺渴自爲天力微
本無舅何事踐陳迹百吠應一嗾自今獲二君便若侶
干耦寄語諸健卒得毋避舍歟

寄葛繩武

梅花亭子記歐陽幾載征人最憶鄉傳語松風畱古韻
好添蕙帳貯幽香一竿到處聊爲戲三逕遙知尙未荒
小室爲懸徐孺榻遲君吟屐破苔霜

棕亭詩鈔卷之二

全椒 金兆燕 鍾越

暮春過吳猷苻齋中坐話卽同登舍利菴僧樓晚

別

山村三月春雲疊溪流曲曲掩濃藍竹兒輕如坐小牒
苔巘危似穿虛龕墨市估客擁髮匣茶園少婦提筠籃
鼠姑大放紫鞋麗燕雛初試紅襟愁山花野鳥媚倦客
紛如八騶導雨驂幽人局室臨路口棗花簾子堆朝嵐
參門便坐讀書榻握手一笑祛穢懷錦暉壓架繡作袂
青萍挂壁銚滿鐔巡簷酣叫念咍噉跳盪青兕鬬白魃

主人斂襟忽佗傖自言平生百不堪憶昔稚衣尚垂髻
頓失郎罷悲漏鐸雙雛寡鵠持弱戶百憂如蝟不易擔
季姜長帙夜累累陶母短髮朝鬢鬢冬雪葛帔苦須撻
夏漲茆屋慮消泐凍雀空望負暄燠蓼蟲那知食薺甘
丈夫三十不得志蜷局如覆交虬盒置上豈容驥展足
矛頭詎易米浙泔老母未免飯蕡糲安問室內妻與男
東家乘傳誇姓偉西鄰徵歌招何戡刺促窮士抱故紙
脉望何時仙枯蟬僕聞此語亦心惻勉旃君請無多談
將飛必伏伸必屈無乃其理如是泐况君中林秀蘭蕙
六經枕藉工研覃擷艷真堪饒鮑謝擁元直欲排周時

夢窓白石恣搜討細瑣如縣璘藉蠶貯看千里只一覷
飛黃脫綫奔趨趨烏哺定報北堂北豹隱寧終南山南
聽鸝撲蝶且暢意慎勿愁思攢鉗鑿舍旁小徑入叢薄
其中聞有舍利庵菱蕨奇葩吐玉茗輪囷古木森石楠
倚袂且與豁倦目空香柰苑深歎歎梯桃連步上高閣
三十六峰如排簪星牖上下明突窺雲根左右歌窴窴
砭然仰天一長嘯蒲牢大吼萬竅齧歸路更取石逕仄
和風冉冉扇微酣許君山頂遊更再送我邨口揖復三
花光向人弄晚霽頰玉盤子銜空吟

霞山精舍訪戴稚圭

赤標司炎辰會暉布歆赫拂曉入空山眷言訪烟客繫
馬濃樾下蘿逕覓行跡紺宇聞幽磬翠戶蔭疎帟握手
雜笑言褫帶解絺綌入薜帷薄嵐映苾席方塘彌
泮罅長笕滲苔隙清言恣歡暢遙嶺日西夕方欣塵慮
靜奈此積景迫欲去復還迴徙倚松間石

偕汪蘅圃小軒納涼枉蒙以詩見贈依韻奉酬

壽陵步未工承宮面孰代自慚詒癡符飄瞥歲云邁刻
蒿以爲矢裏厨以爲鎧鏖戰逢大敵恐難恃狡獪簞遺
笑陳譔戈逐類范句

時侍家大人側

聞一能知幾屢聽仍不解

搗來親大雅爲我啟禱昧

索觀拙集過蒙推獎

威鳳一引吭小鳥

頓息衆投礫乃捧瓊有如餌用情溫柔經探葩雄麗史
擷稗寸管握弱翰強弩發剛挂每歎溝猶儒耳學輕老
輩杯水測溟渤聚埃擬華岱蛄蝼竅作蠅聲無乃太湫隘
河伯向海若定自失澎湃雖復賦小言安足知大槩促
膝語未終蒼垠歛逞怪玉虎渴積甃金蛇爍衆賸凍雨
紛浮泡央瀆蕩積閎抱頭童鬚髻癡若囚被逮余方大
酣適更促翦燭話敢冀夔憐蛇庶同狼倚狼從茲數晨
夕賞析惟君賴宵深披葛幃簟紋滑冷薤

普滿寺僧房燕集疊韻贈朗暉上人兼示衡圃

古寺名普滿更歷唐宋代別薛讀殘碑虞集文奇邁其

中有開士勤披忍辱鎧毒龍制躩踞野狐祛狡獪僕也
本鈍根慧鏡苦莫句日從支公遊禪宗仍未解時時到
講堂聽法得三昧一聞廣長舌無敢置短喙洪濤渡江
蘆紫氣出關牓乃知真解脫不同沙門稗腸應投澗洗
足定向壁挂偶開香積厨入社邀余輩元津問西土黑
籍怖東岱盱衡雪嶺高局身火宅隘羣思借慈航一瞬
渡溟泮花宮何陰翳禪房亦退築四壁繪泥犁聖畫恣
謫怪庶用喝嗔貪亦以警聾聵而我每獻疑無乃于理
闕返觀身亦空那見菑必逮參遍有覺禪說盡無生話
紛紛談龍象一一總狼狽只有般若湯吾生急所賴且

與烹園葵何必刈山薤

夏夜憶舊二首

水閣虛簾夜氣涼
銷魂曾憶住江鄉
紗帷珍簟清無暑
菱髻烏雲茉莉香

寂寂蘿軒掩翠門
空廊明月冷清樽
螢輝滿案慵開卷
愁見當年粉指痕

長歌行贈黃山僧雪堂

時住錫城東富瑯塔平等庵

東阜山光晴散綺
峩塔影雲中起
百弓初地隱檀欒
濃翠疎簾清映水
黃海詩僧字雪堂
蕭然衣被貯文章
妙音舌現珊瑚色
彩筆書堪玳瑁瑗
湯休名姓人爭慕

飛錫偶來城外住，倚樹談禪得眼。榛閉戶讀史，懸腰瓠
小園秋筍滿林，於玉版來參香積厨。般若湯傾銀鑿落，
元香瀋滿玉蟾蜍。蓮社名流紛可數，風前跳蕩如虓虎。
聯吟放筆拓長箋，賭酒藏闔誇大戶。鈎簾斂衽爲余言，
身世閒思欲斷魂。往事尊前堪僂指，醉餘不惜向君論。
我本新安豪俊族，家聲越國聯華轂。籬金奕葉本膏腴，
質庫鹽車遍吳蜀。少年意氣劇飛揚，心計羞隨賣絹郎。
對影每歌青玉案，臨風愛佩紫羅囊。幾年驀忽春宵夢，
羅綺笙歌喧畫棟。博進千堆結客場，纏頭百匹迷香洞。
偶然烟景愛西湖，十載徵歌湖上居。狂卷白波呼白鷗，

醉扶紅袖入紅蕖狂朋怪侶相追逐射雉未終旋蹴鞠
座上揮金輕似沙酒邊說士甘于肉白鼻驕駟紫鼠裘
看花時節縱嬉遊春風挾彈銅姑瀆秋月吹簫望海樓
短夢無憑易銷歇盈虧轉瞬天邊月但知白眼可撐雲
豈識黃金難作穴歸來羞澀一囊空厚薄人情反掌中
轅金朝厨聞厲響斫荆夕院葵芳藂行踪俊傴僂鄉里
鏡裡頭顱空鬢鬢道路誰憐任昉兒丈夫羞乞胡奴米
聞說天都最上峰精靈萬古祕奇蹤一朝解脫諸緣縛
雍髮披緇入梵宮晨鐘暮鼓流光駛獨對孤峰頻徙倚
綺語紛披懣未能依然未見桃花顰年來左耳復新聾

稍憊難除取睜空枯坐蒲團花落盡泉聲松響有無中
師言未終吾狂吼相逢且盡杯中酒自古文人半轆軻
駱丞賈島相前後況今世路總坡陀衣狗浮雲瞥眼過
祇有生天憑慧業何妨得復何何我亦天涯半落客
雲裏烟駕明當發與君長嘯上天梯三十六峰秋月白

登樓

千峰望不極秋思正紛紛野寺全臨水山邨半在雲
盤明淺渚楸線亂斜曛何處桓伊笛高樓向晚聞

晴

雲歸斜照外空碧淨無塵樵斧聲猶潤山花色乍新

波千澗疾遙黛一峰真獨倚僧樓晚臨風墊葛巾

黃山詩五首

湯池

鼓興入名山趺足耐蹶躅尚未陟嶮巖焉敢告疲忝古
寺名祥符石徑複屢折虛堂延小憩苦茗供細啜苦丁
傍石橋滃滃聲不絕下有池一泓斜竇汨清沆神漢軒
天漿陰火扇地穴跣足入幽坑解衣挂枯蘂磈體觀淨
因醴面暢禪悅乃知離垢地不受凡塵涅披襟坐空亭
鳥影拂高凸千峰凝暮靄一心朗朝徹何必玉壺旁碎
揀硃砂屑

池一名硃砂泉周書異記云軒轅至
湯池見玉壺携歸石室飲瓊漿升天

慈光寺

雲裡來鐘聲不知寺何處但見猿狖羣紛紛入竹去深
澗架獨木俯仰絕所據路轉境乍闕紺宇互甯翥峭壁
作綠垣陰森外昏曙遙覓十餘里清泉不假濾古佛參
四面塵緣滌萬慮秋夏月正高山氣寒相助日旰猶蒙
絺夜闌謀擁絮詰朝更探奇濟勝具當豫藤杖選枯根
芒鞋剔殘淤燈下強老僧山郵細條疏

文殊院

登山不問途容足便舉趾雲肆垂仙蕤霞窟叠幻綺滑
捫蛟室腥險攀鶴巢石當身豎鈍渾俯影無底介空

隔仙凡移步判生死從僕勉後隨導僧屢前俟穿透天
一綫漸覩海千里蹒跚入小庵枯衲方隱几挂竈蒸白
蔬石鼎煮赤米休足得展目杉根頻徙倚奇石擲元熊
怪松鬪蒼兕佳境知漸入未敢言觀止不待曉鐘鳴牀
頭覓棕履

蓮花峯

昔聞太華峯乃有玉井蓮其花高十丈其藕大如船此
言疑怪誕私心竊不然何圖覩靈異乃在小華顛巨根
蟠黃壚危瓣摩青天獨立眺九州一瞬窺其全海氣黃
翳兮江流白蜿蜒四明淡帖籙九子紛擎拳天目與匡

廬一一相蟬聯，攔眼癡若雲。攬身輕如烟，趺坐白霧中。
自疑爲水仙，拍手笑龜魚。穩睡葉田田，峯下有龜魚石

鍊丹臺

我生困塵濁，偃蹇蟪蛄窟。欲乞餐霞方，那無入星骨。履
險拚微軀，探異陟硤兀。筇杖荷芝筵，不敢畏顛蹶。軒皇
乘龍後，仙境多荒忽。崑然鍊丹臺，萬古高嶮崿。翠鼎銚偃
空山，龍虎氣未歇。孰調文武火，嬰姤燄騰勃。山腰百步
梯，一步一艱晚。後肩續前踵，上履躡下髮。銜尾似渴鼠，
帖腹若飢蝎。跼膝憩崇岩，齋心通真謁。白雲爾飛來，吾
將排金闕。

偕吳洪符訪方蔓生不值二首

偶捧琅牋嘆異才，傾心便訪讀書臺。
攜衣不待投綬刺，班草先謀坐錦苔。
迎客鶴披黃葉徑，避人鷗起綠萍隈。
虛堂日影過簾額，看竹誰家尚未回。

蘭交作合自多艱，乘興先容亦擬還。
銀葉撥殘香細細，金英數遍錦斑斑。
留髡此夜應投轄，御李何時更款關。
佳句歸吟高閣暮，銜杯空對夕陽山。

余最愛蔓生杯底夕陽山句

贈江村野叟

高嶺白雲外，腰鎌一徑通。
全家廬郡北，生計老牆東。
沙岸屋邊坼，江流天際窮。
浮生何限感，長揖向悲翁。

木蓮花樹歌

南海沙乾風揚塵紅衣酣睡千巖春蓉裳日炙湘娥愁
天風木末吟高秋淨根不受汙泥滓披霞濯露空山裏
瓊姿閃影到人間十里赧紅抱香死浮邱袂拂軒皇爐
合丹午夜採花鬚應真八百雪山側歸來好住翠蓮國
秋日過歙西鄭氏書樓偕吳二猷苻小步近山同
訪吳大松原歸飲月下三十韻

千峰曙色曉蒼蒼極目西風客思長藻井蕭晨辭燕婢
綺塍豐歲兒鴉娘偶經古鎮知巖邑爲訪幽齋過野塘
小閣高懸徐孺榻寒流斜抱鄭公鄉疎籬六枳開花徑

曲岸雙扉轉畫廊
旖旎青帘沽酒市
弭張絳帳讀書堂
高名自昔原齊富
奇字而今只問揚
上足人皆夢秋駕
垂髫女亦誦靈光
垣衣雨後侵琴薦
壁帶塵中冷劍囊
璃匣米山鵠細溜
牙籤鄴架牕牢裝
一編別集名乾牒
幾闕新詞號弁陽
露泔薔薇纔擷秀
霞明楓柵更尋芳
橋橫暑杳明紋縠
鐘吼蒲牢出寶坊
擁屐乾沙枯澗澀
胷衣弱蔓古藤僵
鶴巢晚隱深林赤
鹿柴晴堆落葉黃
雲遏歌臺鳴響玉
苔封恨冢弔幽香
百弓地復開佳境
半刺綾旋謁阿荒
戶對奇松青倚葢
堂迎修竹綠排槍
櫺頭船小牕前過
洗手花粗砌畔昂
鐵榦丁丁聞啄木

金鈴楚楚見治牆翠屏如畫橫高巘組裘連雲壓古牀
據案書癡應似寶揮毫草聖詎輸張山分點允真堪羨
津躍機雲不可當險磴迴尋朝徑仄虛簾早見夜燈煌
論文座上冥心會射覆筵前蓄意藏紅燭刻時詩虎捷
白波卷處酒龍狂何須倚檻悲王粲且自敲巾問葛疆
蛩語驚心喧四壁虬壺瀝耳報三商國香忽入林蘭隊
經袖真趨帶草旁雙眼瞢瞢濃醉後一輪寒月滿樓霜

寄懷汪菊泉五首

時菊泉客都門館
桐城張太保家

虛簾明月露華濃千里相思入曉鐘才子名喧丹鳳闕
羈人夢冷白鷺峰飛蠅有意思隨驥負厯何時得借螭

行到長廊携手處幽階一夜語寒螿

一泓秋水轉清臚叔寶清神杜父庸顧影自堪輝日下
鍊形何必隱天都揚鬢神物終歸海斂翮珍禽且在茲
定是蓬萊峰頂客僦居已住小方壺

薊泉寓齋名

錦韉珠勒赤霜袍結客幽并意氣豪健卒彎弓看食獵
酒人側帽約題糕三都筆札秋雲麗一笛宮牆夜月高
畫壁旗亭多俊侶那能閒憶到吾曹

驚座才名擲地詞宋風謝雪總相宜紅樽高譙公孫閣
綠墅閒陪謝傅棋珠履三千人散後玉闌十二月移時
沙隄槐柳重重密莫訝吟魂入夢遲

白楊蕭瑟滿空齋
荒逕重局晝不開
落日孤猿愁嘯侶
秋風倦客獨登臺
呼鷹且縛黃皮袴
命酒聊銜綠玉杯
寄語故人知此意
臨風爲我一低徊

同吳猷芍夜宿

撼撼空庭落葉飛
深宵攬袂倚虛幃
歌當曲盡腸千轉
話到情多淚一揮
小閣爐熏香入夢
疎簾月色冷侵衣
匡牀共聽霜颼急
秋點聲中燭影微

飲李彞敘園亭次周仲偉韻

良朋相聚卽相酬
局室圍爐興自幽
擲地詞章青鏤管
驚人眉宇紫貂裘
疎梅幾點橫高閣
叢竹千竿俯曲流

銀漏三更濃醉後一聲霜鴈起鄉愁

題徐松源蓮花溝弄月圖

鰕湖鷺嶺雲海鋪仙人窟宅棲天都花瓢竹杖者誰子
風流自號南路徐蓮花峰下弄月久萬頃烟嵐入吾手
偶然潑上剡溪藤百怪淋漓無不有貌將仙的與神囂
五嶽精靈腕底搖却向空山厭兀坐扁舟直下廣陵濤
廣陵城下繁華子愛畫牡丹門紅紫忽見寒鴉枯木圖
搢身疑在冰壺裡先生筆仗清且高先生意氣何雄豪
却携秃管敔焦墨美人簾畔聽吹簫吾聞畫者古多壽
先生得天應獨厚下筆卽看心吐花掃塵那畏肘生柳

江流到海地形頽塗抹空教費襪材終倚天梯獨長嘯
濡頭醉上軒轅臺

戴孟岑吉士招同汪琴山周橫山寰宗上人集飲
江城逢五月瓜果足清遊卓錫僧銷夏含烟竹有秋晚
雲沉極浦新月上高樓訪戴真乘興兼旬更滯留

送寰宗上人歸山

大幕山前路春來我重經送君今日去回首亂峰青
望夫石

古苔疑綠髮新蘚學紅粧不盡心中事無言對夕陽
翠螺書院同韋葑仙夜宿

繫我江邊舟登君樓上牀明月照無寐疎簾弄幽光幽
光明復匿中夜各嘆息人生天地間何處行胸臆古道
悲風多遊子夫如何酒至爲君飲飲罷爲君歌明發別
君去悠悠江水波

題秦廣文冊子

天風吹江江水立江霧濛濛空翠濕江畔千秋一片石
江邊筍篴幽人宅幽人冷官天之涯天梯長嘯尋丹砂
宣平庵中送我別李曰樓下訪君家君家高對翠螺山
山色空濛杳靄間一丸明月應堪捉千載高風未易攀
先生自是謫仙侶每向樓前澆綠醕我來獨立樓上頭

相思千里空悠悠石有髮松有釵花瓢竹杖求其濟行
年六十未云老說經娓娓治事齋故山猿鶴如相問我
亦軒轅臺上來

雨宿鎮頭

風雨郵亭暮離人百感生陰堂疑五酉陽令失三庚
額寒烟斷山腰積霧平沾裳何限淚不待猿猿鳴

聞吳岑華先生凶耗口號絕句十六首

眯目黃沙擲鵲風江天萬里作愁容高樓獨客傷心暮
一紙鄉書淚滿胸

津亭日日盼書來誰信翻郵去札回漫道鱗鴻天海濶

更無消息到泉臺

合并幾自別匆匆蹤跡頻年類轉蓬紅燭離堂花月夜
觥船悔不百分空

兜率天中自在行維婆朽木悟浮生定知回首無他戀
祇有難忘范巨卿

幾載秋曹白髮新于門蕭瑟對殘春如何漢代張安世
偏洞庭前磔鼠人

老樹西風忽報秋芝階蘭砌總浮漚青箱幾箇能傳業
勿效南城只淚流

怊悵哀辭劇可憐朝雲春草易成烟如津未必通銀漢

休向天孫負聘錢

王孟高岑詩格雄
景唐屈宋賦同工
牙籤塵案俱零落
誰檢遺文付所忠

僧籤梵夾老吟窩
綺語翻因懺後多
清絕曉風殘月句
空留狂醉法明歌

終身坎壈向誰論
才子其如賦命屯
一事勞人聊慰藉
差羸及第賜孤魂

翟公門戶冷烟迷
磨鏡何人奠一卮
隣笛寒風吹獨夜
酒壚人散已多時

暫脫朝衫坐釣磯
向平素願嘆多違
溺攢欲避真無術

溫序何緣只憶歸

憶昔東華共僦廬

帝城風物冶遊都燕昭臺畔重過日忍對荆高舊酒徒

沉醉燈前調語時偶然誌墓重相期江湖筆硯俱荒落

何日方成有道碑

先生應鴻博不第有惜其迂慙致遭按劍者先生笑謂余曰他日誌吾墓

云爾

落木蕭蕭蔣逕秋荒閭誰更識羊求從今休作懷鄉夢

碎却枯桐汗漫遊

三尺孤墳十字銘素車何日哭泉扃秋風灑徧江天淚

一片殘陽夢日亭

喜李嘯村至卽同汪琴山訪晤主人鮑洗桐留飲
西枝最小齋嘯村索余贈詩卽席成長句塞命
兼示同座諸子

江城六月苦潦汚黷軒壁帶腐戶樞兼旬兀坐出不得
如獮入袋鳥在笥晨起有客狂叫入告以好友至于湖
急披葛衫納布履長街闐市遍尋呼乃知下榻在大宅
囊緇簾笈堆階除方牀冷滑赤花簾小榻璫瓏碧紗幘
骨董嵌壁如列肆廡空小竇攢圭窬主人不嗔客襤襪
束帶揖我降階趨先生解衣盤薄羸水晶黶黶遮雙瞶
手握葉子若羽扇十五五排齟齬未暇掉頭共一語

心計博進但愁歎主人僕指向我述昧雉久獲騷壇俱
客歲寒孟偶駐屐大飲十日會瓊爐昨聞中丞移制府
特命待詔迎

鑾輿是真名士不易得覩縷告君君知無僕也瀝耳駭
然起低惟那足識閭姬但聞建業官蜩集差遣營構無
朝晡趨趨駿馬選白義紗靖美人求赤烏龍舟鳳船嗤
狹陋臨春結綺慚村粗貞松文梓樅柏檜白狼赤豹麇
麇麇呼烟叱日舞渾脫擲繩喚鐵緣都盧格五吾邱射
覆朔下及優伶與侏儒

行在供具無不備豈可獨少文學徒況今

天子重經術蒲輪鶴版周海隅傅巖山中釋耆靡朝歌
市上提廢屠紛紛俱挾買臣策人人若棄終軍繻先生
風雅葢宇內一字堪珍百琲珠五玉三帛預徵典赤帑
陰羽早按圖不用索米長安市便可珥筆承明廬大勝
湖海作逋客奔走文字飽妻帑先生搖首曰不爾懸門
腐鼠吾奚圖昔年壯歲且却聘舉鴻博不應霜雪況已盈顛
顛蘭簿方惋足新鬼謂全椒章晴川吳岑華蕪湖施澹吟輩薜衣敢復移

故吾古來文章本小技報國安用此區區黃竹之歌白
雲曲廟廊賡和難形摹金門委佩非吾事明當卽返愚
谷愚謫語未終裘屐錯滿堂扇拂交授蒲銅盤芥末屑

寒餠鎖燈秋架明高樞樺皮燭未盡三寸缸面酒已騰
百觚珠蘭茉莉香馥馥涼颺爽若傾水壺萍蓬蹤跡真
可笑華筵飲罷旋分裾瑟瑟朝鼓啓魚鱗城頭缺月懸
彎弧

周仲偉過訪留宿二首

旅懷入窮冬百感攢中腸兀坐局室內寒牖昏無光有
客叩我門意氣何軒昂拂君鶴擎裘進我崑崙觴酒酣
各嘆息相顧重旁皇騏驎無兩轅竈下難騰驤鳳皇未
千仞空自鳴歸昌飲罷更促膝譚言宵漏長

漏長言未終寒燈翳短穗枯蕪藉繩牀敗絮搜解筍泥

爐撥殘灰破屋鳴朔吹客子無甘寢主人空長喟方寸
千間厦寤寐九州被平生好大言此願何時遂晨雞未
三唱請君且安睡

贈門人葉奕彰三首

丹鳳鳴歸昌轂音已如簫孤桐挺百尺雅節何翹翹繫
余抱鈍拙燭武精既銷所願錦帶士羣建畏壘標古人
重令德束修屏浮慕裊躬苟不渝青紫如承蜩

詩人感城闕挑達戒青衿讀書先器識守道在默沈大
璞產良玉巨井育精金光氣寧久藏國寶羣所欽撫華
而棄實膚立何以任

高樓臨大道中有讀書堂
枇杷布翠幄薜荔綠青牆
誰誦達夜分一燈共熒煌
身世感飄蓬千里空裏糧
征衣拂緇塵百感何茫茫
首歲疲中路開冬歸舊疆
不惜歲月晚所嗟經籍荒
持此以共勗庶幾同行藏

贈蘇秀才翊君五首

絲雨微風趁暮烟
湘簾翡翠几對新編眉
山家法應常在馬
券憑君休浪傳

金石爭誇碧眼胡
秦碑周鼓久模糊
紛紛贗鼎何樓下
獨認宣和舊日圖

繡襦錦暉淨無塵
插架參差品第新
珍重莫將寒具手

汚他小篆玉麒麟

孤青潤白自娟然密貯空梁又幾年磚塔全銘無恙否

關情只有鄭松蓮

胡君家藏磚塔銘原刻松蓮亟賞之每寓書必曰磚塔銘無恙否

吮豪空自號詩顛難乞人間九府錢聊趁漸江春水濶
共君一泛米家船

韋五葑仙自全椒歸卽赴省試賦贈四首

相思忽相見相見復匆匆但愁易判袂未暇問行蹤去
年別君時白晢頤頤豐如何甫經歲顰顏多悴容乃知
行役客銷精如在鎔執手各嘆息憂心俱忡忡

我遊客君里君歸自我鄉瑣語欲互詢端委不易詳古

人重弧矢所志在四方安能偕婦孺朝夕棲帷房但悲
壯盛年流光擲路旁齟齬轅下駒矯矯雲中鳳百里息
廬舍千里空翱翔

皎皎明月光戔戔石頭城送君浮大江怒濤無停聲行
者歌慨慷送者意屏營仰視蒼旻高晴雲暗上征秋燈
照客夢中夜若爲情

素娥處桂宮下土求其儕結璘以爲使寒簧以爲媒八
萬四千戶各自誇聳才顧影向蟾兔五步一徘徊清虛
廣寒府雙扉東南開待君駕青鸞相攜登瑤臺

棕亭詩鈔卷之三

全椒 金兆燕 鍾越

寄秦劬泉

秦淮水閣青旗飄
共君聽歌淮清橋
角鷹側腦秋旻高
揚州城外輕舠泊
看君作賦吟紅藥
月中楊柳姿濯濯
長安道上車隆隆
九衢聯袂如屏風
羨君下筆千人雄
十斛易酒新撥醕
酒酣高歌燕昭臺
東風刺促不得意
笑書驢券歸去來
兄袁弟濯揮手散
浮雲南北無根荄
丈夫意氣周九垓
千里面目同岑苔
瑣瑣尺素兒女語
徒勞鱗羽奚爲哉
三年思君苦未足
寄君短歌歌復續

木石言金 卷三
試上石頭歌一曲橫江白浪高於屋

却寄韋五

妙舞節屢變清歌音有餘置酒會高堂停觴但悲歎華
燈耀綺筵客心自焚如高樓臨大道珠簾朝暎俱炫服
競新粧美人麗且都粧成對圓花斂衿相嘆吁天馬入
漢關蛾眉嫁穹廬位置應有方安能擇所愉十四學條
桑十五鳴軋車白葦作璘藉黃金作踟躕容華日就萎
嬾素復何須斜日薄西崦明月出東隅佩我明珠璫望
君金鏤衢秋風一以至何以托微軀使君東南來當風
捋髭鬚寶刀佩青犢名駒躍的顙小姑貪目成不共處

姊居珠鈿環霧鬢香風襲雲裾應念空閨人流光如電
驅

寄吳文木先生

文木先生何嶽崎行年五十仍書癡航頭屋壁搜姚姒
醬翁篋裏訪孔義昔歲鶴版下

綸扉嚴徐東馬紛袞馳蒲輪覓徑過蓬戶鑿坏而遁人
不知有時倒著白接離秦淮酒家杯獨持鄉里小兒或
見之皆言狂疾不可治晚年說詩更鮮匹師伏翼蕭俱
辟易小雅之材七十四大雅之材三十一一言解頭妙
義出凱風爲洗萬古誣喬木思舉百神職

先生注詩力
闢凱風原註

不能安室之謬南有喬木云祀漢神也

溝猶督儒刪鄭衛何異索塗冥摘

埴昨聞

天子坐明堂欲崇衡霍巡南方特重經術求賢良仲護
講義誇兩行欽明八風舞迴翔負薪老子露印綬妻孥
竦息趨路旁先生何爲獨深藏企脚高臥向榻牀金陵
美酒一千斛粼粼素盃皴紅玉何時典我青綺裘其君
復醉鍾山麓申公轅公老且禿驅之不堪填硎谷先生
速起爲我折五鹿秋風多江水波寄君一曲之高歌歌
殘星斗橫秋河屠販唾手亦富貴安能佐治無偏頗先
生抱經老岩阿吁嗟如此蒼生何

施大益川以施二淡吟遺稿見贈感賦長句兼示

琴山

鏡湖秋水連天白湖雲冷覆幽人宅一行新鴈入雲羅
聲聲淒斷江南客憶昔鳩江重二施珊瑚並綠玉交枝
花萼集中輝互映奪令原上影相隨狂飈一夜吹湖水
大施老去小施死江東奇氣黯然銷孤城白日寒潮駛
僕也飄零湖海身牽船偶住鏡湖濱荒冢每思尋輔嗣
廣庭何日迓朱均感君珍重投瓊軸伴我空齋秋草綠
幾卷琳琅忍淚看半簾風雨和愁讀卑厨休蝕羽陵蠹
爲囑長恩好持護紈扇頻書柳惲詩弓衣定織都官句

君不見詩投溷廁文補袍千古才人空自豪
臍腹殘膏零落盡空令異代首頻搔
勸君休更嗟君弟身後香名誰得似
但使聲華炳日星何須時命悲蘭茝
傷心敬禮訂遺文後世何人更子雲
明月孤猿啼獨夜千山落葉正紛紛

集爲琴山手訂琴山與淡吟交最密
嘗哀其倡和諸作爲一帙名對啼猿

江上僧樓書壁

孤塔峒崿碧鏡涵水天閒話對瞿雲
千秋遺事風前笛一片殘陽雨後菴
板子磯邊花瑟瑟夫人祠畔柳毵毵
寒濤荻港東流去休問寧南更靖南

題周橫山雪中小影一百韻

荆子手束絹其長不盈尺萬態森慘澹觀者盡惄惄雪
貌慘冷電雲勢張大布礪砢樹干尋環嶺鶴一隻崑然
獨立人寒骨挺瘦瘠露頂似禿髻跣足任敝屣如繩者
帶鐵如辦者衣襍冷鍊氣淒鬱躍鞘光有顛捲向烏皮
几睨我歛一擲索我拙言辭將以題其額鄙人矍然起
此圖誠難繹君其姑少憩爲君試細擘樹將構廣厦鶴
將排健翮雪持淥君腸雲持駕君腋加君巍巍冠納君
几几舄鈍鈍翳夫襖鉗鏞滿鬣脊宵鍊試三招定扼黑
卵盪白我客鳩茲江滌傲荒宅危樓支腐楹壞壁倚斷
碣小港喧呖蛤淤湖鬧鳴蜩宿烟塞笳簷古苔滑龍龜

旅思入秋懷孤館獨寤擗賴茲盞簪衆班草遂莫逆競
言周處士鄉譽頗藉藉明月湖前身白雲被偶謫毀璧
止兩爭斬絲理百劇繕性敦孝友緼躬守圭璧說士內
輸甘好賢衣展席濟難覆益漿卹困指舟麥金有劉又
攫食任修齡索窮鬼已潛育俠氣仍撐膈疾風知勁草
嚴霜識貞柏持此冰雪心百折不可易放眼自峻嶒投
足何逼窄技每嘆五窮勇空躍三百奈何遲狡獪生面
更獨闢舍云是不爾吾幼好攬撫望禮學青鳥誌怪搜
白澤端筴抗京管窺衡排甘石喚鐵幕郭休賣鬼謀定
伯畫法兩宋派詩軌四唐格七絃琴聰琴五雅奕秋奕

簫譜月下修樂句燈前拍怒擲摩訶覲莽提典韋戟蛟
思水底剽虎欲山中射有時愛逃禪足白而髭赤有時
愛學道牛背而維碧有時入深山蟲不畏毒螫有時泛
巨浸波不畏澎湃有時出門笑雙足履不借名或變鴟
夷賈或溷陽翟飄蕭携破苦鉢蕩趁大舶錢塘看怒濤
荆衡覓仙液祕檢搜金繩高樓尋玉冊獨擔竹簷行一
亭復一驛獨拍銅斗歌一潮復一汐旅遊數十年肆意
訪烟客東海緬仲連北海思賓碩所求無一過宛言空
婉孌以茲廢然返捷戶窮聖籍茫然登無岸蒼然鑽靡
隳頽室已屢空阮途竟何適秋徑長蓬蒿霜風吹絺絺

志猶存鴻鵠行恥儕虺蜴聞君味義根枕蓆于古昔道
真耽嚙齏斯文仗持掖畫刺甫一投便若芥遇珀燭我
鳳腦燈啖我牛心炙叩鐘操短筴鞭驚借長策積疑爲
君獻安肯尙脉脉縱觀區蓋間斯理不易核烏何以陵
輪鬼何以匿霸賜谷何以朝濛汜何以夕烏何爲而啄
獸何爲而齧魚何爲而响蟲何爲而咋狗緣何醉虎鐵
緣何飽獭鳩何反鵬笑鴟何反鵠嚇何屠釣而姜何魚
鹽而昂何貧天曾史何富壽桀蹠人何甘如薺我何苦
如藥人何潤如脂我何乾如脂煩君開愚昧一一使水
釋現見雪盡消風逐雲無迹九臯鶴可鳴八極劍可斥

初我烏匱巾蠟我露卯屐把臂隨入林索塗免冥墮庶
用裁華離敢不奉規鋌余聞忽大笑君言何嘖嘖威鳳
啼在鼓小鳥乃格磔騷騷繫在柅駁牛乃負輓如君冰
氏子挾術本難熱速請將此幅碎之如裂帛所暮眠食
甘出入笑言啞指頤看苔岑企脚卧苜蓿秋江澹晴空
試與邁汗陌紫葛晚疎疎紅蓼朝撼撼雲羅冒單椒穠
樞密如簪正足乘興佳安暇探理蹟歌勿悲五噫酒且
沽百益圖南知爾將欲東唱吾亦

留別汪琴山六首

青鸞處瑤臺自啄玉山禾顧影獨飛翔朝夕琅玕柯有

鳥集其林羽耀光華引吭鳴歸昌如蕭清以和音協
響斯應同聲豈在多鈞轉語蕪薄爭食何其譁

古人重一諾生死不相移末俗結誓言掉臂或忘之千
載重管鮑不傳昧維辭餘耳光厥初晚節誰克知紛紛
車笠盟徒爲後世嗤

良朋數晨夕賞析有至娛辨難剖微茫亦以破專愚如
何文字交投報惟貢諛翩翩夸毗子無乃多所誣古人
丁敬禮惟君庶可乎

蟻磯波疊山牛渚烟橫墨與君登江臯懷古心惻惻盈
盈衣帶水六代重關塞興亡不可問往事空如織獨有

謝家山千古青無極

文字苦俳諧酒食強微述豈知同心人懷抱各有屬我
猶雞隨羣君將鴻漸陸星淵從此異相見未可卜庶幾
崇令名姸修以爲助

津亭多悲風我馬鳴蕭蕭執手愴別情相對各不聊昨
夜斗酒會今日晨風飄晨風翔寒雲失侶難自驕何以
慰相思疏麻寄瓊瑤

江上登樓

木落楚天秋羈人獨倚樓寒雲迷遠岸野日送孤舟
書劍一身老關河千里愁空灘眠食穩江畔羨沙鷗

琴魚歌

有序

涇縣逆旅主人以琴魚點茶巨首小身浮動水面有响沫搖尾之狀余感之而作是歌

冰菴馥乳花香蟾背初入蟹眼湯主人捧甌客擎將
巨鯉纖尾鬚鬣張紛如噲喁戲迴塘隊隊撥刺翮菰蔣
金匙到手不敢嘗恐是咒龍鉢中藏神物肯入凡夫腸
噓氣一怒不可當吾聞琴溪波渺瀾傾城三月縱水嬉
仙人驅魚出石穴十里罾罩喧淪漪風乾日炙入包貢
青山綠水無歸期揮杯輟飲三嘆息仙踪杳渺尋無極
七弦泠泠不可聞三十六鱗空相憶吁嗟微物爾何知

虛名一誤難終匿君不見翳藻潛苔老歲年春波何限
恹池鯽

諸同人集飲寓齋分賦得酒鱗二首

酒龍心事托微波偶學揚鬢向玉盃甕底自能噓氣上
筵前且喜受風和蛆明碎影紅玳殼蟻泛輕紋碧玳華
莫飲欸中燒後散浮沈尺素此中多

崑崙觴昔羨如池魚服年來困不辭涸轍誰能潤升斗
醉鄉聊復作之而金船浸月生微浪玉盃含風盪淺猗
蛇影半生驚未定休教杯底更相疑

自新安赴姑孰使院呈雙有亭學使六十韻

嶽仰生中瑞星瞻降傳光傳家隆黼黻華國富文章綵
仗烟無際花磚日未央影纓軼枚叟題桂邁田郎
特眷金閨彥頻操玉尺量淮壩卿月麗江步使星煌

盛治隆敷德

皇猷重省方歌衢黃髮擁引領翠華揚帳殿神先習蓬
門臂競攘詩皆工短李賦擬獻長楊去聖勞揮郢鉤絃
待誨襄衆流奔海若曠野遇雲將暖雨駕俱畢嘶風驥
耳驟籠忻得參朮戢訝躍鰭鮐珠定探驪頰鸞偏憶蟹
筐漫勞鍼爲鉤竟欲鉅投鉞說項知雖屢推袁未易當
如何煩驛使不惜召僉荒賦本輸王粲書難效孔璋盧

謹條自弱管輅膽終恆坏鑿思潛遁車驅已促衰感知
情奮熱顧影意蕭涼自昔謀甘旨何心戀稻粱辭親緣
負米失母類銜薑茹痛離苦由遄征攬轡羶空攜王博
裘忍撫冠公瘡封鮮徒堪憶尸褻詎復望春暉已泉壤
乾陰更參商冷署獨羈宦頽齡久抱疴溫衾心孔棘垂
素計焉遑未免兼珍乏羞于獨立強衰顏隨杖屨舊侶
集膠庠曝簡晴開篋芸瓜曉踐畦庭筠秋荀碧籬菊晚
英黃雞柵修須亟鷄衣結未妨裙屐勤澣濯哽咽慎周
防對鯉真愉婉烹魚忽駭惶幾句纔聚首此日復沾裳
簪嶺遮愁眼漸江繞恨腸窮陰當短至獨客走殊鄉披

霧暈迴徑衝泥町
墮場懸崖攀鳥室
險磴逐騾綱土俗
勤腰臘叢祠賽
蚡蚡故畦收芋栗
高墉下牛羊樵唱聞
邪許鈴音聽戾岡
有時頻佗際無境
不蒼茫楊葉洲邊
兩梅根冶畔霜羈
懷愁浩浩江勢渺
湯湯水陸兼程邁
關山隻影忙斧冰
朝飲馬踟躕雪夜
登航噤瘁枯膚皸
凌兢瘦骨僵飢鳥
鳴獨木凍雀蟄深
篁密霰斜飄牖昏
燈短挂牆酒思缸
面熟火爇竈觚煬
側帽青山近揮鞭
白道長旌門森聚
戟鎖院肅階廂好
下陳蕃榻同陪庾
亮牀龍應驚李老
虎肯嫌蕭娘迨幕
誠多樂蘭陔未遽
忘新安天外月回
首重旁皇

不寐

繩牀愁不寐獨客白傷神薄酒難留夢寒衾不戀身苦
心籌翼日甘寢羨他人側耳荒雞曙前途更問津

懷汪琴山戴權師

撲面寒威酒臘沽江城重到嘆羈孤分箋憶昔訓佳句
襆被何時赴上都並馬長河朝喚渡聯袂短炕夜圍爐
憑君莫話閒居好雨雪征車亦載塗

喜晤吳荀叔

人生易離亦易合此中誰實司其權離如落花雨後散
合如遊絲風中牽前年與君離淚灑青溪烟今年與君

合笑對青山顛青山雪後點碎玉糝糊上接滄浪天君
携才子筆旌門一日詩百篇官袍直奪李白錦珊瑚不
玩湘東鞭明年

天子呼上船白雲黃竹廣瑤箋粉郎香尉堪差肩丰采
奕奕映貂蟬大勝寒爐擁敗絮喧阗調語空誕譚我今
閉置如窮袴腐蠲條鋹烏棲斂孔闔聲名竟何處謝家
空宅寒烟暮草草燈前三兩語從今便作牛與女分手
恰如春夢回茫茫蹤跡尋無所

與金純一夜話

偶向天涯並翮棲倚闌心事總淒迷雨停隔院歌聲細

風入虛簾燭影低共話客愁牀上下各尋歸夢路東西
流光轉眼成新故鴻爪年年踏雪泥

姑孰使院同李嘯村吳荀叔韋蔣仙周朋薦金純

一守歲

揮玉窪倒銀鬯祝君長生飲太平

借用楊義
夢中語

丈夫意氣

何崢嶸肝膽忍向樽前傾況今海內庶政明

廟堂側席求羣英諸公各各操香名沈詩任筆紛縱橫

江干春風吹幔城倚裳聯袂迎霓旌如火赫耀鏡澄泓

吁嗟誰實爲吹瑩按木呼繞牀走渾花惡彩隨君手區

區勝負竟何有且盡一杯知己酒莫問檐前杓轉斗飽

噉粃盆高酣睡氍毹厚不知歸夢誰先後何限寒窗風
雪人一爐商陸殘灰守

題韋蔣仙翠螺讀書圖四首

清露滴寒松孤鶴夢未了中有苦吟人獨坐江天曉
泠泠清磬裡一逕入雲偏夜半寒潮落高樓人未眠
江月虛檐白漁燈極浦紅蛾眉亭不見一半在雲松
間渡酒仙樓停舟和尚港可許執松枝入座爲都講
自姑孰歸新安留呈雙有亭學使兼示韋蔣仙吳

荀叔

遊子感令節浩然動歸心欲語復踟躕哽咽難自禁親

舍魂夢長客途恩遇深顧我無兩身何以遂幽忱丈夫
重知己一諾輕千金奈何負夙約棄之等遺簪良友相
譙訶瑣瑣陳規箴主人獨見憐太息聞越吟覲省誠所
急諒難久滯淫慷慨命與僕送我歸山岑握手勸加餐
相顧各沾襟延目蒼垠高羨此隨陽禽

宛陵道中

清弋江邊路籃輿此重經野航鳴急櫓山鳥落修翎春
草桓彝墓晴烟謝朓亭躊躇意何限空翠晚冥冥

發南陵縣

漸見梅花發春風客路長驛樓何處問春穀故城荒古

洞飛晴雨寒流帶曉霜莫登高爽榭臨眺總蒼茫

遊水西寺

兀兀平肩輿行行沙水際招提叢樹中雲日相虧蔽素
心愛幽尋泉石多留滯連年盼靈境欲往苦無計乃知
車馬客難結山水契今春首歸路蓬跡謀所憩山驛喜
春晴薄嵐染衣袂暫與烟客親頓覺塵容蛻泠泠鐘磬
音入耳生定慧安得結柴荆長此棲薜荔醒醉三日遊
前哲庶可繼

霧中過新嶺

高嶺陟千仞濃霧迷五里墮衣去地尺側帽近天咫時

聞泉潺潺微見石齒齒前侶駭亡無後伴疑中止置身
混茫中冥想天地始嗟哉七尺軀太倉貯稊米飛昇慕
天闕巨泛尋海市乘蹻遊虛無仙路更誰指空外自予
立大抵不過爾日出霧初散林烟疊幻綺乃知身漸高
翼翼屢回視羣岡堆堦塌破碎不可紀

晚步平等庵

蘭若荒城外林巒勢糾紛高標棲落日古壑納歸雲松
徑當門直溪流到石分沙頭爭渡急人語隔烟聞

初至妙華禪林與周仲偉宿

春山輕陰飛碎霰濃翠點點浮巾衫屏跡偶來就荒寺

有如踰位逃空嵌黃紙帽緝白藤笈敝衣殘卷紛相僂
竹鬼斜轉石逕仄忽逢好友穿松杉欣然擊鉢入叢薄
共踏翫翫趨深壑野梅當戶僧獨倚山果挂簷烏竊鵲
蓮座降肱蹲獅吼薜磴滑漣騰麝麝入室頓覺俗慮靜
如破宿垢刮黥點山蔬野菽供淨饌塵土腸胃洗饕餮
禪牀布衲足奇煥卧對土佛身軀軀鐘鳴枕畔忽報曙
披衣相視一笑歔君看此境頗不惡何必蘇堤十里張

春帆

時仲偉談
西湖之勝

春日山寺讀書十首

關山辭跋涉息踵到禪窩不悟浮名累那知淨理多形

骸爲我用笑語得天和從此任甘寢休爲勞者歌
招提塵境外囊襖信淹留土脉春初動山容晚更幽百
弓滋藥圃十笏繞花樓不羨松喬侶方蓬汗漫遊

酒豈延陶令房聊借贊公窓雞呼粥粥簷鐸喚東東澗
底薔薇白岩邊躑躅紅山花隨意插不遣小瓶空

六枳疎籬畔春畦帶野花輕烟催午餉小雨種辰瓜乳
犬知迎客維僧學點茶不知開士宅疑是野人家

傑閣俯回汀千山列畫屏閒雲歸石竇新蘚上鐘銘愛
讀高僧傳閒抄小品經重檐春雨暗虛白就疎櫺

觀境悟真如棲心淡泊初二紅鐙底飯七白澗邊蔬經

案朝臨帖禪燈夜校書饋貧資典籍壅粥任無餘
古剎依青嶂閒庭長綠苔遊僧打包去村女贖錢回
落花落簾猶捲雲歸戶未開足音空谷少清晝獨徘徊
敗簣破垣內栽田憐桂琛青疇鋤麥浪白水插秧箴確
響喧頽澗厨烟淡遠岑何時對彌勒新釀許同斟
幽居屏人事節候漸相催紫愛楊梅熟紅驚芍藥開
溪光生薜幄山氣潤蓮臺晴日當簷午前峯已轉雷
不用買山隱休疑避地賢三旬歸覲數十里近城偏野
菜盈筐嫩溪魚入饌鮮庭闌無間澗獨處可經年

聞雙有亭侍讀除祭酒

江南春曉幔城開輦路遙頒

鳳詔來

帝澤深涵榮泮藻

江浙兩省鄉學廣額

使星先耀列街槐參天碑

立中郎篆拔地文成吏部才他日樞衣趨館下飽看石鼓作歌迴

同吳茵稽吳祺苻集飲方東萊齋中聯句

犯星槎初迴吳山茵稽凌雲賦已獻棣萼競蓂莢金兆燕鍾越薛幄堪纒纒小室對遙空方儻東萊良友得嘉遜編枳補疎籬吳寬苻滋蘭布廣畹苻藥舒異輶茶蘼繁弱蔓浴露香有餘兆燕炙日色未褪階因碧蘼

滑儻池借白石堰綠竹千萬个寬紅魚一二寸翠瀟紫
霞茶山黑顆青精飯欲逞詩陣豪兆燕先鬪酒兵健策
事搜冷僻儻射覆禁消渴席糾察官箴寬觴政嚴國憲
巧舌奇葩攢利口懸泉噴預愁險遇坎兆燕先乞命
申張名思磨刃鋸儻孰肯甘槌鈍乍快淝水捷寬仍慮
平城困戟手逞雄家山卷舌甘拙愿戰酣罷偏師兆燕
雅集破羣閫雨澗弦音遲儻風引歌聲曼對枰試手談
寬揮塵祛目論城同舍衛遊山標似長壘建幸共一日
歡兆燕盡釋三春怨受命夢飲父儻啓慧胸生已百斛
烏獲扛寬千里樂巴嚶空自好大言山何時償至願舜

舉道自高北燕孔誠儒不恩索米羞侏儒
裁祛耻負販且與耽蕭寂寬庶可蠲塵坐
選煙考墨譜二借書持酒券東萊以家刻墨譜贈余
余向京萊借太平御覽剔腹局何澗北燕蹙頞杖
屢敦真堪縱鶴飲儻何事羨麟植提壺更明朝
寬好鳥枝頭勸

題汪王故宮用古城巖石刻韻

貔貅十萬六千兵宮殿參差暮靄平
堪笑虬髯食一局遠從海外據孤城

山中晚晴

天空飛鳥沒雨過片雲閒一抹青無際
松蘿山外山

贈華亭程史老松二首

湖上采蓴客香名人共知五茸重耆舊一陸得真師花
月樽中酒雲山馬上詩布衣能著迹應不負

清時

偶結忘年契壺觴一水涯閒情堪共寄小住且爲佳鰕
菜牽歸夢關河老壯懷扁舟三泖曲何日訪高齋

碌碌行

碌碌復碌碌羸牛無健犢良人販東吳小郎賈西蜀秧
根稿作灰市米貴如玉新婦拔舊釵城中糴官穀側身
萬人中豪吏怒驅遂不暇顧赧顏但幸免飢腹倚牆至

日暮垂橐無握粟歸來櫟空盃稚子猶索粥老姑無完
裙獨坐空田哭

贈藥根上人二首

丈夫不得志乃作方外遊今君何爲者溷迹隨縑流鐘
磬訖有情恐難寫我憂不如味義根聖賢庶可求瓊玉
惡點蠅蘭槐畏漸修側身天地間勉旃慎所修

古人亦有言交淺忌言深自我聞君名千里久傾心神
合已膠漆對面寧苔岑所愧見道淺無以爲規箴他日
折疏麻好寄雙樹林